

# Wie schön do bes

Musik & Text Björn Heuser / Verlag: HEUSERMUSIK, GMO Publishing

---

**Wie schön do bes, wenn do su do liss,  
han ich dir vill ze lang nit jesat.  
Et Levve dat trick, un mir trecke met,  
immer wigger, jeden Daach, jede Naach.**

Vill ze seldom süht mer sich, vill ze seldom hätt mer Zick,  
dobei wunnt mer unger´m selve Dach.  
Vill ze schnell muss alles jon,  
wenn einer fleut, dann muss mer stramm ston,  
vill ze seldom weed dofür danke jesat.

## **Wie schön do bes...**

Vill ze vill un immer mieh,  
immer jrößer, immer en de Hüh,  
doch Menschlichkeit bliet op d´r Streck.

Der janze Käu, ich läch en aff,  
nä, dä brengk mich nit en et Jrav,  
ich lääch mich zo dir, denn dat, dat es Jlöck.

## **Wie schön do bes...**

Ach, wenn ich doch bloß wüss,  
wat do jrad dräums, un wie et es,  
wie friedlich du schlöfs nevven mir.

Ich mach die Auge hösch zo,  
jeneeße die Rauh,  
weed zom Mensch, em Bett nevven dir.